

KHENPI E

Nungzui Khat Banga Gahphatna

1. Angsung Ultunsakna leh Pasion tawh I dinna Maan	152
2. Gahphatna Telcianna; (Khen 1) Suahtakna, Gah, Vangliatna leh Pilna	158
3. Gahphatna Telcianna : (Khen 2) Gahpha ding a Sap	164
4. Gahphatna Telcianna: (Khen 3) Sapna leh Tupnate	173
5. Hehpihna Letsongte	180
6. Neihsa Kepsiamna, Khaici vawh/tuh leh a gah atna	186
7. Upna tawh kalsuanna	191

I. Angsung Ultunsakna leh Pasian tawh I dinna Maan

A. ANGSUNG ULTUNSAKNA

- a) **Laisiangtho bulphuhte** Psa. 139:13-16 Rom. 9:20-21 Rom 12:3
Eph. 2:10 1Sam. 16:7

b) Thupatna

Angsung ultun sakna pen ei le ei in a deih, a thukim, a lamet huai, a kituak ngaihsutna ahi hi. Ei le ei a cidam mahmah bang dan (Rom. 12:3; Gal. 6:3-4). Leh ei le ei a niam mahmah bang dan in ngaihsun thei hihang (Eph. 2:10). Zeisu nungzui i hihna tawh Pasian muhna ah a tuam vilvelte i hi hi. Khua vannuai a bawl, Pasian pen i sungah ama Khasiangtho tawh ong nungta hi (1Cor. 6:19-29). Eite pen Pasian tapate, Zeisu tawh a luah khawmte hi in, Zeisu tawh ama minthanna hawmkhawm hihang (Rom. 8:17). Khazih tawh nungta khawm khin in, (Eph. 2:5). Khazih sungah kicinna hong kipia khin hi (Col. 2:10). Ataktak in eite thahatna hong pia ama tungtawn in na khempeuh hih thei hanga, (Phil. 4:13). Khazih tawh hong kitho sak khin in, vantung munte ah hong kitu khawm sak khin hi (Eph. 2:6). Khazih sunga i liatna leh Pasian hong deih bang leh hong sepsak nop banga kiniamkhiat a hong san nate kikal i kilekkim sak ding kisam hi.

c) Pasian in eite hong bawl hi (Psa. 139:13-16)

Pasian in eite hong bawl a, i suahma nangawn in hong thei khin hi. I haksatna lian pente susiang ding leh tuate kantan a hong pai pih zo ding zah in amah lian hi. Eite tuntom in, tunsang in, thau in, zawngin, mel sia in, melhoih in, pil in, hai in, angsung thei in, midangte bek khual in, bangbang i hi zong in ei le ei i kisan-a hanciam ding ahi hi. Banghang hiam cihleh Pasian in tua bangin eite hong bawl himawk hi. Aman a hoih pen thei ahihman in amah i phal nak leh eite ading a hoih pen mah hong pia ding hi. Hih pen amah tawh pangkhawm, semkhawm cihna hi. I nuntakna sunga mawhnate peuh tawh lungkim leh i pianken lui sunga buainate peuh tawh buai ding hilo a, eite hong kibawl bangbang a lungkim ding ahi hi.

Nang tawh a kibang lian kua mah om ngei lo in zong om ngei lo ding hi. Pasian in nang hong bawl bang zia in Pasian in a letsongte hong pia khin leh hong pia lai dinga, na om na kim leh pam dinmun mahmah nangawn zong nang bangdan a midang khatpeuh in a zawh loh ding na sep khat peuhpeuh zong hong sem zo sak ding hi. Pasian in nang sep ding nasep ading a hong sapna ah nangmah a hoihpen na hi hi. Tua nasep ading ngiat in nang hong kibawl leh hong kipuah toto ahi hi. Khat vei zong a kibawl kik lo ding zia khat in nang hong kibawl khin hi (Rom. 9:20-21).

Pasian bawlsa langpan ding kilawm lo hi. Tua hi a, ei le ei kimudah in, ei hong bawlzia hang peuh in Topa langkhat ah khasiat na leh thangpaihna peuh i neih ding hilo hi. Hih pen in i sunga Pasian Khasiangtho a dahsak ding hi. Eite pianna tawh kisai in Pasian in mawhpauakna khempeuh nei a, ahizong in i khantohna leh i tawntung mun ding pen amah tawh i sep khopna tungah kinga hi. Pasian tua banga a om ding om loh ding pen eite deihteel ahi hi.

Zeisu in Simon min pen Peter aihkeh Cephas in khek hi. Peter pen 'Suangpi' cihna hi

a, 'Simon' pen 'pumpeng' a cih na ahihman in hi banga a khek sak ahi hi. Pumpeng pen huih nung khempeuh thawhkikhin kawikawi baih a, suangpi bel khauh in kip hi. Hih in a kip lohna pan a kipsak a hihna Peter in amah leh amah kilamdang takin mu theisak ding hi. Peter pen ama pawlpi bulkip dinmun kip hong suah ding Zeisu in thei hi. Pasion muh bangin Peter zong amah leh amah a kimuh ding kisam hi. Eite zong tua bangmah i hih ding kisam hi. Ama itna leh vangliatna eite tungtawn a na asep na tungtawn in ama sungah bang suak thei i hiam cih Pasion in mu hi. Ei le ei i kimuh bang hilo in, Pasion in eite hong muh bang a i kimuh theih ding kisam hi. Topa in pua tham kilatnate en lo in lungtang en hi (1Sam. 16:7).

d) Ahoih lo ei le ei kimuhdan ii thumeizomte

Angsung ultunsakna pen i neih nate lakah a thupi penpen khat hi. Ei le ei kithupisakna in mimal nopsakna leh nopsaklohnate thu zawh hi. Hih in i tangtut zawhnate leh i kicinsak nate ciangtan na daikai hi. Khazih sungah ei le ei tawm khat i ngaihsut leh, tawm bek i tang tun zo a, ahoih lam in i ngaihsut leh Khazih Zeisu sunga i dinmun kiluah beh zozaw hi. A lehlam lungsim leh ngaihsutna ei le ei a i neihte pan i suahtak zawh keileh, a hoih lo angung kimuh dan a nei i hi hi. Hih tawh i nuntak leh thu thum hong piang ding hi:-

1. Ei le ei kimuanna nei lo
2. I nuntakna sunga ngimnate ngahkhia thei lo
3. Nialna, lawhsapna leh bitlohna thuak

Mitampite in amau hihna maan pan kisel nuam uh hi. Banghang hiam cihleh hih thu thumte thuak uh hi. Amaitang uh sel in tua maituam nuai a mitakpi pen mite in mukhia theilo dingin lamen uh hi. Tua buainate sel nading a mite in a sep uh nate pen:-

- Amau leh amau kimuan na neih lohna sel nading a 'aw ngaih' hihna
- Bit lohna dal nading a mi honpi lak bek ah kihei kawikawi na
- Alawh sam in kingaihsun uh ahihman in kineu seh, maizum leh, taw kik uh hi.

A taktak in a hoih lo angung kimuh dan pan in tu hun kim le pam mitam pite buai nate hong piang thei hi. Gentehna in zu dawnna, khamtheih zatui zatna, thuneihna, leh panna, nu le pa mawhna ukna, nupa kikhenna, ngongtatna, gamhtatna cihte hi.

Midangte bel kikhenn thei a, Pasion mai pan in bel kibu thei lo hi. Aman eite kua cih hong thei ahihman in ama mai ah i kisel theihna ding om vet lo hi. Ama khuttungah i nuntakna i piak ding leh ei le ei i sih ding kisam hi. Tua ciangin aman eite hong muh bang a i nuntak ding kisam hi.

e) Ahoih ei le ei kimuhdan ii thumei zomte

Pasion itna leh vangliat na i sin khak ding kisam hi. Na khempeuh a bawl Pasion in eite hong sanna i theih ding kisam hi. Ei le ei leh Khazih sungah kua i hiam cih i tel ding leh Pasion in hong muh bang a ei le ei i kimuh ding kisam hi. Hih in ei le ei leh Pasion sungah hong muanna hong nei thei sak hi. Lungmuang, hong kisanlam thei in, gualzawhna leh tangtunna ngah cihte a kipan hi.

- Eite pen i nuntak pih ding bang hiam cih i sinna ah nau pangte bang i hi hi.
- Gensiatna tawh i nuntak leh mawksakna i sin hi.
 - Ngongtatna tawh i nuntak leh kilai, kidona i sin hi.

- Zahpihna tawh i nuntak leh maizumna i sin hi.
- Maizumna tawh i nuntak leh kisuanna i sin hi.
- Thuakzawkna tawh i nuntak leh lungduaaina i sin hi.
- Hansanna tawh i nuntak leh lungmuanna i sin hi.
- Phatna tawh i nuntak leh pahtakna i sin hi.
- Kiciantak in ih nuntak leh dikna i sin hi.
- Muanhuai tak in i nuntak leh upna neihna i sin hi.
- Thukimpihna tawh i nuntak leh ei le ei ki deihna i sin hi.
- Sanna leh lawmtatna tawh i nuntak leh leitung ah itna muh ding i sin hi.

f) Pasion lampi bang hiam?

Mihingte in amau leh amau nuam asak nading uh leh, lungkimna leh tangtutna a ngah nading un na khempeuh hanciam uh hi. Gentehna in, sum leh pai, nasep, nopsakna, kimawlna, a hoihpen hihna, nulepa vai, vangliatna, etlawmna, puan hoih niik hoihte, dawi lehkau vai cihte a kipan hihte pawlkhat in man nei a, a hizong in tua zong tawl khat sungbek kimang hi. Tuatna in lungkimna tan ciang khat pia kha mah dinga, ahizong in a tawpna ah a hawmpi, khatna nei lo leh a lauhuai nangawn hi thei hi.

Pasion in amah thawhkikhawl khawm ding in ama lim le mel in mihing bawl hi. Ahizong in mihing in ama deih bang lampi tawn in ama lungkim bangin om a, Pasion deih bangin nungta lo hi. Hih gau in Pasionthawhkikhenna piangsak hi. Mihing in Pasion om pihna leh itna thupha khahsua ahihman in zumna leh launa thuak hi. A sawtlo in amanthan lam mihing in phawkkhia hi. Bang hiam khat ahi ding leh Pasion ading bang hiam khat a sem dingin kibawl a, tu in bel Pasion thawhkikhen hi. Hih in mihing ading ang sung omdan buai na neisak hi. Mihing in a khahsua sa aituam muhdan a ngakkik nading hanciam a, ahizong in buaina taktak bang hiam cih kicing tak in tel ngei lo hi. Bang bangin a hanciam zongin a lawhsam tawh kibang den kei hi. A tawntung in a hawmpi aih keileh ngimna leh tangtutna ngah zo lo tawh kibang den hi.

Hih thu thei ahihman in Pasion Tapa Zeisu leitungah hong pai hi. Mihing in a mansuahsa ngahkik in, Pasion tawh kikholh khopna a neihkik theih nading in hong pai hi. Zeisu in hih buaina thei ahihman in mihing ading amah mah a dawnna hong suak hi (John 14:6). Ahizong in eite in Pasion a lungdam sak lo nate pan kihei kik in Zeisu pen i Honpa leh Topa a i san ding kisam hi. Tua khit ciangin Pasion in eite hong sangkik in, ama nuntakna, a vangliatna leh a itnate i ngah khak nading in hong phal ding hong kamciam hi. Ama khenkhat ahi Khasiangtho nangawn, eite hong kibawlna bang nuntakna tawh i nuntak theih nading in, hong piak ding hong kamciam hi. Pasion dawn kikna hoih sungah nuntakna in i sunglam a a hawm pen hong dim sak ding hi.

I nuntakna sungah Pasion in suakta tak a hong maan nading leh dawnna maan i muh khat ma a, nuntakna tawh kisai i ngaihsutna tampite i paihkhat ding kisam hi. Hih bang a pian nading hun sawt pi bei kha ding hi. Ahizong in i sungah Pasion na i sep sak leh amah suun ding in eite kikhel ding hihang. A kisiasa ei le ei ii lim pan in eite hong suaktasak ding a, vangnei tak in hong nungtasak leh, Pasion hong piaksa i tupna hong tangtungsak ding hi.

"Ahang in, eite sep ding a Pasion gelkholh, nasep hoih sem ding a Khazih Zeisu sunga kipiangsak Pasion khut siam i hi hi." (Eph. 2:10)

B. PASIAN TAWH I DINNA MAAN

- a) **Laisiangtho bulphuhte** Rom. 6:1-23 Rom. 7:1-25 Rom. 8:1-39
 Rom. 12:1-2 2Cor. 5:17

b) I angsung (ei le ei) lui pen Khazih tawh kikhai khin hi

Zeisu nungzui i suah ciangin ei le ei a si in Pasion in hong mu hi. Pasion in ei hihna lui pen lakhia in Zeisu Khazih tawh khailum khin hi (Rom. 6:6). Ei pen a sikhin hi-in tu in Khazih tawh nungta khawm hihang. Ei pen pian sak thak hihang a, a lui pen pai mang khin in, a thak hong pai zo hi (2Cor. 15:17). Khazih Zeisu sungah Pasion dikna suakkhin hihang (2Cor. 5:21). Tua hi a, ei le ei pen mawhna ah si in ahizong in Khazih sungah Pasion lam ah a nungta a i kikoih ding kisam hi (Rom. 6:10). Hih pen ei le ei i kimuh ding Pasion deih lampi hi.

Tamvei pi tak a piangthak Christiante i hih nangawn in i pianken lui mawhna langkhat ah thanem leh muibun lo bangin ei le ei kimu zel hihang. Hihpen ngaihsut khialhna kilkel hi. Eite in Khazih sungah mawhna dalna leh a gualzo nuntakna tawh nuntak theihna i sungah nei hihang. Mawhna dal nading a vangliatna leh thuneihna a nei lo i ang sung ngeina lui pen paimang khin in, Pasion kha tawh a suak, hong uk ding i phal leh ze-etna leh mawhna khempeuh hong gualzo thei sak a thak angsung ngeina thak nei hihang. Hih hoihna sungah i nuntak ding kisam hihang (Col. 2:9-15; 3:9-10)

Satan in bel hi bang ding hilo hi ci in hong buai sak ding a, mawhna tawh i kinahvawh nading hanciam dinga gualzo thei khalai ding hi. Mawhna pen i khawl nading vangliatna a nei lo bangin i kingaihsut ding Satan in deih hi. Ahizong in Khazih sungah mawhna dal nading bek hi lo, i gualzawh nading nangawn vangliatna nei hihang. I mawh leh zong i sep ding pen i mawhna pulak in, tua mawhna pan kiheikik leh Pasion mawhmaisakna i ngah ding hi a, tua tawh mawhlohna i omna maan ah tungkik ding hihang (1Jn.1:9). Eite pen mawhna ah saltang nawn lo hihang. A taktak in, i nuntakna mawhna in hong uk ding i phalkik kei nak leh Khazih sungah mawhnei lote i hi hi.

c) Mawhna kinawng kaisak kei in

"Khazih in a suakta dingin eite hong khahkhia hi. Tua ahih ciangin kip tak in ding unla, sila hakkol tawh no le no vangikna kisuankik kei un." (Gal 5:1 ZIV).

Khazih Zeisu in i mawh ding ei le ei pan in, hong honkhia khin ahihman in Satan leh mawhnate kinawngkai sak kikhawn kei ni. Hih in kikhaina kisam a, mawhna sungah i luai teitei kei nakleh tua mawhna pen bang zah in man, khauh taleh Khazih tunga i nuntakna thak pen a tawntung in hong len zo lo ding hi cih phawk theihna kisam hi (2Pet. 2:19-22). I nuntakna sungah Pasion vailo nate tawh i kivak loh nading a tawntung a hanthotna, thapiakna Laisiangtho sungah om hi. Leitung ziate sungah kihel lo ding hihang (1Jn. 2:15-17). Zeisu mah bangin leitungah i om hang leitung aa hilo ding hihang. Pasion a lungkim sak nuntakna sep tawntung ding cihna hi (Heb. 10:26-39). Hi bang i hih theih nading in Pasion nate tawh kivak in, leitung hong piak niinte tawh i kivak loh ding kisam hi (Col. 2:20; 2Tim. 2:4; Phil. 4:8). I phat kei nak leh mawhna in hong lencip zenzen lo hi. (Eph. 4:22-24)


"Tua ahihman in sanggamte aw, a siangtho le Pasion lungkimna a nungta kithoihna ahi dingin na pumpi uh na piak nadingun Pasion hehpihna hangin kong kun hi. Tua pen mah khalam biakna

uh ahi hi. Hih leitung deihna tawh kizui in na gamta nawn kei unla, na lungsim uh thak suaksak in, na kipumkhel un. Tua hi leh, a hoih a lungkimhuai, a hoih kim Pasion deihna bang ahi hiam cih khen tel thei in na pakta thei dinguh hi" (Rom. 12:1-2 ZIV)

d) I kha in a Uk ding ahi hi

I pianthak ciang a Khasiangtho in i hinsak ahi i kha in i nuntakna leh i thu tuah khakte a uk ding i phal ding kisam hi. I kha in i lungsim (Lungsim, sungput, leh utna) leh i pumpi hong uk ding ahi hi. Khasiangtho in i kha hong tenden in hong uk a, tua Khasiangtho in Pasion lungsim thei hi (1Cor. 2:10-16). I nuntakna ah Zeisu pen i Topa ahilh takpi leh i nuntakna khempeuh i kha in a uk ding kisam hi (Gal. 5:13-26; Rom 8:1-17). Hih pen Zeisu nungzui khat a nuntak dingzia hi. Hih pen Pasion in nate a geelna hi.

Ahizong in Christian tampite in a nuntakna uh thu tampite ah a lungsim leh a pumpi nangawn uh sangkhanto in a kha peuh uh uk zawsop uh hi. I nuntakna sung thukhat peuh ah i mawh leh tua pen i lungsim in a ukna mun ahi hi. Hih pen pulak in Pasion mawhmaisak na i nget ding leh, hong sawpsiangna i ngah ding kisam a, tua khith ciangin tua i nuntakna sungah Zeisu pen Topa hi kiksak ding hihang. Tua bang tawh tua mun pen Khasiangtho ukna nuai ah i koih nading in i kha mun pia kik ding hihang.



Pasion cihdan maan

Cihdan maan lo

Cihdan maan lo

e) Thukhupna

Nisim leh ei le ei i sih ding leh Khazih Zeisu banga i nuntak ding kisam hi (Luke 9:23). Mawhna ah a si bangin ei le ei i kikoih ding kisam hi. Mawhna a paikhia lo, i pian ken lui mawhna i man ding hi nawn lo hi. Banghang hiam cihleh, Khazih sungah tu in a thak i hi hi. I nuntakna i kha in a uk in nungta in i lungsim leh i pumpi peuh uksak lo ding hihang. Hih pen i kha vak leh thapia in mawhna dinga a tho to kik thei ding lungsim leh pumpite tha a pia thei na khatpeuh i pelh ding kisam hi.

"Tua ahiciangin Sanggamte aw, tu in bat khat i nei hi. Tua in mawhdim pian ngei deihna bang a a nungta ding in pian ngei tungah i ba kei hi. Ahang in mawhdim pianngei deihna bang a na nuntak uh leh na si ding uh hi; ahichang in kha hang in na pumpi uh gamtat siatna sih sak uh leh na nungta ding uh hi. Banghang hiamcihleh Pasion kha in a makaihte Pasion tate ahi uh hi." (Rom. 8:12-14 ZIV).

f) Dotnate leh kikupkhopnate

1. Pasion muhdan leh na nuntak nading a hong koihna mun hangin Pasion na phunsan hiam? Na phunsan ding a kilawm hiam?
2. Jeremiah pen Topa kamsang khat ahihna tawh a haksa mahmah in nungta hi. A nu gilsungah a kibawlma nangawn in Pasion in a theih khitna leh, a suahma nangawn a a minamte kiangah kamsang dinga a kituam koih khin ahihna theihna in Jeremiah panpih tuam dingin na ngaihsun hiam?
3. Banghangin a hoih lo ei le ei kimuh dan hang in a hoih lo ei le ei kimuhdan ii meizomte cih nuntak khuasakna a buainate hong piang hiam?
4. Zeisu nungzui khat na hihna tawh Pasion in na nuntakna hong uk hiam hong uk lo hiam? Tua aih leh ei le ei kikoici muh ding kilawm?
5. A piangthak thu-umte i hihna tawh i ei le ei luite sungah si khin hihang. Pasion thu kikuppihna a ngah mi tampite in hih thu phawk kha lo uh hi. Hih thumaan tawh kituak in mite koi ci kikuppih ding kilawm hiam? Kam kum in.
6. Tui tawh kipap ngiat a kiphumna pen mipi mai a lim khat aih keh pulakna hi a, i angung lui ah sikhin in tu in a thokik Khazih nuntakna sungah nungta cihna hi. Hih a hoihna sungah i nungta hiam?
7. Na kha in na nuntakna vai khempeuh a uk hiam? A uk keileh, bang bawl ding na hiam?

g) Tomlakna leh zatpahna

1. Pasion in i suah ma in hong thei khin a, Zeisu nungzuite i hihna tawh a sep dingte zong hong koih kholh sak khin zo hi.
2. Ama hong muh bangin ei le ei i kimuh ding Pasion in hong deih hi.
3. Pasion tawh vai hawm khawm in i nuntakna ama tungah i piak leh eite a hoih pen hi in, Pasion in i sep ding a hong deih nasep sepna dingin hoih tak a, kibawlpha pen pa suak ding hihang.
4. Tu hun a leitung a buaina a tamzaw pen Pasion in mihing hong bawl cil a a nuntak zia ding a cih bang a mihing a nuntak theih loh na pan hong mengkhia hi.
5. I ei le ei lui ah a si bangin i nuntak ding kisam a, tua ah a nungta lai hilo ding hihang.
6. Pasion Khasiangtho in a uk i kha in, i nuntakna khempeuh a uk ding ahi hi.
7. "Tua ahi man in hih zah taka, a tam teci meipite in i kimkotah hong um ahiciangin eite hong dalna khempeuh le baih tak a hong awksuk ziau thei mawhna paikhia in eite ading a i mai a kiciam teh sa tai kidemna zui in sikdo tak in tai ni. Ama mai a kikoih lungnopna a ngah nading a singlamteh ah simmawh bawlsiatnate a thuak keikai khit ciangin Pasion taklam a a tu, i upna a piangsak pa leh a hoih kimsakpa Zeisu mitsuan gige ni. Note lungkia a thanem in na om loh na dingun mawh dim mite in amah a langbawlma a thuakpa na ngaihsun un"

Tua ahiman in, a zawnkhalna bangte uh leh a thanemna khutte uh hatsak un! Khebaite kilawi lo in a dam zawk nading in, "Na khete uh ading lamphei sial un" (Heb. 12:1-3, 12, 13).